



UNIVERSITÄTS-
BIBLIOTHEK
PADERBORN

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. VII. De contrariis legibus.

urn:nbn:de:hbz:466:1-12945

credibilis. Sub hoc etiam statu generales sunt quæstiones,
¹ scripto, an voluntate standum sit: quæ fuerit scribentis voluntas.
² Tractatus omnes qualitatis aut conjecturæ, de quibus fa-
tis dictum arbitror.

¹ Scripto an voluntate.] Scripti & vo- | conjectura continetur. Pitb.
luntatis quæstio sine dubio qualitate aut ² Tractatus.] Alii, Status.

C A P. VII.

De contrariis legibus.

³ PROXIMUM est de legibus contrariis dicere, quia inter om-
nes artium scriptores,¹ constat in *antinomia* duos esse
scripti & voluntatis status: neque immerito: quia cum lex
legi obstat,² utrinque contra scriptum dicitur, & quæstio
est de voluntate: in utraque id ambigitur, an utique illa lege
sit utendum. Omnibus autem manifestum est, nunquam
esse legem legi contrariam jure ipso: quia si diversum jus
esset, alterum altero abrogaretur: sed eas casu collidi, &
eventu. Colliduntur autem aut pares inter se: *ut si optio ty-
rannicidæ & viri fortis comparentur, utriusque data quod velit pe-
tendi potestate, hic meritorum, temporis, præmii collatio
est.* ³ Aut secum ipsæ, ut duorum fortium, duorum tyran-
nicidarum, duarum raptarum: in quibus non potest esse
alia quæstio quam temporis, *utra prior sit*: aut qualitatis,
utra justior sit petitio. ⁴ Diversæ quoque leges configunt,

aut

CUM in *antinomia* utraque pars legem
afferat suam, duplex est scriptum
sed pro sententia legis observanda u-
triusque quoque oppugnatur. est igitur
duplex scriptum & sententia. Jurisperiti
quoque hodie ajunt nullam esse in jure
civili *antinomiam*: quod testatur etiam
Justinianus. Budæus tamen & Lauren-
tius Valla *leges* quasdam esse contrarias
probant, ut in illis colligendis dormi-
taverit Trebonianus. Cæterum si lex le-
gi contraria est, altera alteram necessa-
rio abrogat, eratque curæ Atheniensi-

bus, ne quid esset legi contrarium.
Turneb.

¹ Constat.] Alii, Constatit.

² Utrinque contra scriptum.] Duo sunt
duorum scriptorum, duarumque volun-
tatum status. Pitb.

³ Aut secum ipse.] Est enim lex apud
declamatores, *ut raptæ eligat raptoris
indotata nuptias, aut mortem.* si quis
igitur eadem nocte duas rapuerit, qua-
rum altera nuptias optet, altera mortem,
antiquitas erit. Turneb.

⁴ Diverse.] Diversæ appellat leges,
qua

aut similes. Diversæ, quibus etiam citra adversam legem contradici possit: ut in hac controversia, *Magistratus ab arce ne discedat*: *Vir fortis optato quæ volet*:¹ vel alia nulla obstante, quæri potest an quicquid optari, accipere debeat: & à magistratu multa dicentur, quibus scriptum expugnatur, *Si incendium in arce fuerit, si in hostes recurrentum*. Similes, contra quas nihil opponi potest, nisi lex altera. ² *Tyrannicidæ imago in gymnasio ponatur*: contra, mulieris imago in gymnasio ne ponatur. Mulier tyrannum occidit. Nam neque mulieris imago ullo alio casu ponni potest, neque tyrannicidæ ullo alio casu summoveri. Impares sunt, cum alteri multa sunt quæ opponi possunt, alteri nihil nisi quod in lite est: ut *cum vir fortis*³ impunitatem desertoris petit. Non contra legem viri fortis (ut supra ostendi) multa dicuntur: adversus desertores scripta, non potest nisi optio ne subverti. Item aut confessum est ex utraque parte jus, aut dubium: *Si confessum est, hæc fere quæruntur*:⁴ *Utra lex potentior: ad deos pertineat, an ad homines: ad rempublicam, an ad privatos. De honore, an de poena: De magnis rebus, an de parvis*:⁵ *Permittat, an vetet, an imperet.* * Solet trāctari

quæ etiamsi non habeant legem oppositam, tamen quod attinet *ad scriptum*, oppugnari possunt contrarii argumentis. porro *antinomiae exemplum erit*, si magistratus qui fortiter fecit, perat ut ab arce discedat. *Idem. Diversæ quoque leges.*] Persequitur enim earum genera quæ secum ipsæ configunt. Quarum alias utraque pars pro se sunt, alias pars altera tantum neque uterque pro se sunt. sed lex æquitate oppugnatur. *Piis.*

¹ *Vel alia nulla, &c.*] Vel alia nulla obstante, non erat in vetusto codice Similes.

² *Tyrannicide imago.*] Hæc lex pertinet *ad fortitudinem hominum excitandam*. nam in gymnasii excentur juvenes & athletæ, quibus exemplum potest esse fortitudinis statua *tyrannicide*. contra vero *mulieris imago* non ponitur in gymnasio, ut tollatur omnis inde

mollicia & lascivia, quæ solent animos effeminare. sunt autem hæc *leges declaratoriae*. Turneb.

³ *Impunitatem desertoris.*] *Desertor* est (ut inquit Modestinus) qui diu evagatus tandem in castra reducitur. Punientur autem *desertores* sè penumero capitali poena. *emanor* dicitur qui sponte revertitur. *Idem.*

⁴ *Utra lex potentior.*] Hæc ad tractationem pertinent, qua cognita facile intelligitur disponendi ratio ex superioribus præceptis. Valet igitur *legum comparatio*. lex enim quæ pertinet *ad deos* aut *ad rempublicam*, magis est servanda quam quæ pertinet *ad homines*. hujusmodi igitur erit tractatio in hoc statu. *Idem.*

⁵ *Permittat an vetet.*] Lex quæ vetat aut *imperat*, semper est potentior, quam ea quæ *permittit* aut *tribuit*: in tractando

M m 5 igitur

etari & utra sit antiquior, & velut potentissima, utra minus perdat: ut in desertore, & viro fortis, quod illo non occiso lex tota tollatur: occiso, sit reliqua viro fortis alia optio. Pluriuum tamen est in hoc, utrum fieri sit melius, atque æquius: de quo nihil præcipi nisi proposita materia potest. Si dubium, aut alteri, aut invicem utriusque de jure sit controversia, ut in re tali, ¹ *Patri in filium, patrono in libertum manus injectio sit, liberti heredem sequantur.* ² Liberti filium quidam fecit heredem, invicem petitur ³ manus injectio: & patronus negat jus patris illi fuisse, quia ipse in manu patrui fuerit. Duplices leges sicut duæ colliduntur: ut, *Nothus ante legitimum natus, legitimus sit post legitimum, tantum civis.* Quod de legibus, idem de senatus consultis dictum: quæ si aut inter se pugnant, aut obstant legibus, non tamen aliud sit ejus status nomen.

igitur est habenda ratio hujus comparationis. *Idem.*

⁴ *Solet tractari.]* Videtur innuere Fabius potentiores esse legem antiquorem novam, cum tamen aliter sentiant juris consulti, apud quos sequentes constitutiones abrogant legem antiquam: & alioqui apud antiquos dicebantur *abrogationes*, quando lex contraria cerebatur superiori, ad eam tollendam addit Fab. præceptum de *abrogatione & derogatione.* *Idem.*

⁵ *Patri in filium, &c.]* Manum injecere est juris consultis, non expectata ju-

dicis auctoritate aut potestate, rem ut sibi debitam aut propriam vindicare, quod lingua vernacula dicimus *fifre.* Porro ex jure Romano patres magnam habent in filios potestatem, ut appareat ex titulo *De patria potestate.* *Idem.*

⁶ *Liberti filium.]* Idem enim est patronus & liberti filius: libertus & patrui pater. *Pith.*

⁷ *Manus injectio.]* Serv. in illud: *Injecere manum.* Manus injectio dicitur quotiens nulla judicis auctoritate expectata rem nobis debitam vendicamus. *Idem.*

C A P. VIII.

De syllogismo seu ratiocinatione.

⁸ **S**ylogismus habet aliquid simile scripto & voluntati, quia semper pars in eo altera scripto nititur: sed hoc inter- est,

⁹ *Syllogismus.]* Syllogismus est, cum res quæ in controversiam deducitur, scripto careret, tamen ex similitudine scripto applicatur. ceterum quoniam illa applicatio constat ratiocinatione, factum est ut diceretur *syllogismus*, id est ratiocinatio. Turneb.

¹⁰ *Eius*